



Riječ urednika

Vreli ljetni dani u punom jeku svoje božanstvene ljepote; visoko iznad nas, tamo negdje u dvorištu svemira, užareno Sunce na usamljenom i prostranom nebu; akordi i note najdivnijih boja, dodir toplice koji nas bezuslovno pozivaju na odmor i potpuno prepuštanje trenucima opuštanja. Svako godišnje doba svoje čari nosi u kalendarскоj torbi...

Mirisi svježine, more i talasi, duge pješčane plaže i hladna pića koja nam se slijevaju niz grlo, planine i svježi povjetarci... Mogli bismo sve ovo nazvati rekreacijom duha u oazi unutrašnjeg mira i slobode, terapijom nad umom.

Vrelina uzima maha, Sunce ne zna za kompromis, nebo je zaboravilo kako izgledaju oblaci. Zato smo svih ovih dana nekako sporiji, pomalo umorni i istrošeni, kao da nam nedostaje snage u mentalnim baterijama. Ovo ukazuje na činjenicu da je i čovjek kao mašina, samo složena, kako bismo mi ljekari rekli, biološka. Ko puno radi, puno se i troši, a sve što dotrajava, mora da se održava da bi produžilo svoj vijek, tako da je neophodno da se čovjek okreće i odmoru, putovanjima, prepusti hedonističkoj riječi opuštanja i reinkarnaciji duha.

U svjetlu svega, ekipa časopisa *Medici.com* se našla u procijepu trenutka između rada i zaslужenog odmora, odlučivši se da u svom novom broju još više opravda svoj status, dugotrajnost postojanja i prisustvo među Vama, našim vjernim čitaocima. Željeli smo da u što bogatijem sadržaju ponudimo izuzetne i vrlo interesante priče, bogate kvalitetnim i poučnim savjetima, kao i da otkrijemo nova saznanja iz značajnih oblasti medicine koja su od izuzetne važnosti kako za medicinu, tako i za sve ljude kojima medicina na ovakav način može dati odgovore na zagonetna pitanja.

Stoga je, redakcija *Medici.com-a* jednog julskog dana zaplovila u bogate odaje međunarodne korporacije BAUERFEIND d.o.o., mješovite hrvatsko-nemačke firme. U neiscrpnom razgovoru s gospodinom Karlom Schmidtom smo upoznali poslovnu filozofiju ove velike kompanije, kao i grandioznu snagu i ambiciju čovjeka koji uspješno vodi poslovanje te firme iz svojih invalidskih kolica, sa kojima je postao nerazdvojni "priatelj" u svojoj 16. godini života.

Vruće ljeto, odmor i mirnija epoha, u godini puno ciljeva i želja, je lagano iza nas. Nakon što smo uspješno pobijedili polovicu godine koju smo ostavili iza sebe u amanet sjećanju, okrećemo se novim dešavanjima koja nam predstoje već u septembru, a to su brojni međunarodni, naučni skupovi u Banjaluci, Nesebaru (Bugarska) i na Kopaoniku. Pri tome ne smijemo zaboraviti i na Svjetski dan srca, 29.9.2011. godine, i na sve ono o čemu treba da mislimo tokom cijele godine, a ne samo tog dana, a sve kako bismo smanjili broj smrtnih slučajeva zbog kardiovaskularnih bolesti – „ubice broj jedan“, koji bi mogao biti spriječen primjenom zdrave ishrane, redovne fizičke aktivnosti i prestanka pušenja.

Kako su iz mjeseca u mjesec stranice Vašeg vjernog pratioca *Medici.com-a* sve bogatije i interesantnije, pozivamo Vas da i dalje ostanete na istoj adresi kako bismo zajedničkim snagama poboljšali ono što nam je svima najvažnije - naše zdravlje.

Vaš *Medici.com!*

Glavni urednik, prim. dr. Momir Pušac

Momir Pušac